

BISCOMIN TABLETS 8MG

Bromhexine HCl 8mg

Apakah yang ada pada risalah ini

1. Apakah kegunaan Biscomin Tablets 8mg
2. Bagaimana Biscomin Tablets 8mg berfungsi
3. Sebelum menggunakan Biscomin Tablets 8mg
4. Cara menggunakan Biscomin Tablets 8mg
5. Semasa menggunakan Biscomin Tablets 8mg
6. Kesan-kesan sampingan
7. Cara penyimpanan dan pelupusan Biscomin Tablets 8mg
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Biscomin Tablets 8mg

Bromhexine HCl adalah kandungan aktif Biscomin Tablets 8mg. Ia adalah ejen mukolitik dan digunakan dalam rawatan penyakit pernafasan yang dikaitkan dengan mukus berlebihan

Bagaimana Biscomin Tablets 8mg berfungsi

Bromhexine menukar struktur mukus untuk mengurangkan kelikatan dan memudahkan penyingkiran mukus melalui aksi ciliari atau diludah keluar.

Sebelum menggunakan Biscomin Tablets 8mg

- Bila tidak boleh menggunakan
- Jika anda hipersensitif terhadap Bromhexine atau bahan-bahan kandungan yang lain
- Sebelum menggunakan Biscomin Syrup
Anda mesti beritahu doktor anda jika:

- Anda alergi terhadap mana-mana ubat-ubatan yang diambil sebelum ini untuk merawat keadaan sekarang.

- Jika mengambil ubat-ubat lain
Sentiasa beritahu doktor dan ahli farmasi anda jika anda mengambil ubat-ubatan lain, termasuk tonik herba, makanan tambahan dan ubat-ubatan yang anda beli tanpa preskripsi.

Cara menggunakan Biscomin Tablets 8mg

Sentiasa mengambil ubat ini seperti yang diberitahu oleh doktor. Anda sepatutnya merujuk kepada doktor atau ahli farmasi anda sekiranya anda tidak pasti.

- Berapa banyak harus digunakan
Dewasa: 8-16mg (1-2 biji) tiga kali sehari

Kanak-kanak 6-12 tahun: 4mg (setengah biji) tiga kali sehari

- Bila perlu digunakan
Gunakan seperti yang diarahkan oleh doktor atau ahli farmasi anda.

- Berapa lama perlu digunakan
Terus menggunakan ubat ini untuk tempoh masa yang ditetapkan oleh doktor anda.

- Jika terlupa menggunakan
 - Sekiranya anda terlupa satu dos, ambil dos itu sebaik sahaja anda teringat.
 - Tetapi, sekiranya telah hampir masa untuk dos berikutnya, abaikan dos yang terlepas.
 - Jangan mengambil dos berganda untuk menggantikan dos yang dilupa.

- Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan di hospital terdekat, jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Semasa menggunakan Biscomin Tablets 8mg

- Perkara yang perlu dilakukan
Hubungi doktor jika tanda anda tiada perubahan.
Ambil ubat selepas makan

- Perkara yang tidak boleh dilakukan

Jangan beri Biscomin Tablets 8mg kepada orang lain walaupun simptom-simptom atau keadaan mereka serupa seperti anda. Doktor anda mempreskrib Biscomin Tablets 8mg untuk anda dan keadaan anda.

- Perkara yang perlu diberi perhatian

Penggunaan Biscomin Tablets 8mg harus diberi perhatian teliti semasa hamil. Kesan baik dan buruk daripada ubat ini kepada bayi harus dinilai.

Kesan-kesan sampingan

Seperti ubat-ubat lain, Biscomin Tablets 8mg mempunyai kesan sampingan walaupun bukan semua orang mendapatnya. Kesan-kesan sampingan berikut mungkin akan terjadi dengan ubat ini:

Iritasi gastrik (loya, muntah dan cirit) mungkin berlaku dan ruam.

Biscomin Tablets 8mg mungkin menyebabkan alergi yang teruk dan reaksi kulit yang serius. Berhenti menggunakan Biscomin Tablets 8mg dan mendapatkan bantuan

perubatan dengan segera jika anda mengalami mana-mana simptom yang berikut:

- 1) alergi yang teruk: kesukaran bernafas, pening kepala, pembengkakan kulit atau ruam.
- 2) Reaksi kulit yang serius: kulit merah, lepuh, ruam, demam, sakit kerongkong atau kerengsaan mata.

Sekiranya mana-mana kesan sampingan bertambah serius, atau anda mengalami kesan sampingan yang tidak disenaraikan dalam risalah ini, sila beritahu doktor atau ahli farmasi anda.

Berjumpa dengan doktor atau ahli farmasi anda jika anda mempunyai keraguan atau untuk maklumat selanjutnya.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web npra.moh.gov.my (*Public→Reporting Medicinal Problems/ Side Effects/ AEFI/ Vaccine Safety*)

Cara penyimpanan dan pelupusan Biscomin Tablets 8mg

- Penyimpanan
Jangan guna selepas tarikh tamat tempoh yang dinyatakan pada bungkusan. Tarikh tamat tempoh merujuk kepada hari terakhir bulan tersebut.
Simpan pada suhu kurang daripada 30°C. Lindungi daripada kepanasan dan kelembapan.

Jauhi dari kanak-kanak.

- Pelupusan
Ubat-ubatan tidak seharusnya dilupuskan melalui sisa air atau sisa isi rumah. Tanya ahli farmasi anda cara-cara pelupusan ubat-

ubatan yang tidak lagi diperlukan. Langkah-langkah ini akan membantu melindungi alam sekitar.

Maklumat lanjut

- Rupa dan warna produk
Tablet yang rata berwarna oren, bergaris skor, berbentuk bulat dengan diameter 7mm serta dengan logo 'MPI'.
- Bahan-bahan kandungan
 - Bahan aktif – Bromhexine HCl
 - Bahan-bahan tidak aktif - Bahan-bahan kandungan lain termasuklah *Potato Starch, Lactose, Corn Starch, Sunset Yellow FCF, Magnesium Stearate.*
- Nombor MAL
MAL19920348XZ

Pengilang dan Pemegang Pendaftaran Produk

Malaysian Pharmaceutical Industries Sdn Bhd.
Plot 14, Lebuhraya
Kampung Jawa,
11900 Bayan Lepas, Pulau
Pinang, Malaysia

Tarikh kemaskini RiMUP

26/06/2018